

JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

Na osnovu člana 70. i člana 88. Zakona o javnim nabavkama („Sl. glasnik BiH“, broj: 39/14), člana 27. Pravilnika o javnim nabavkama Javne ustanove za predškolski odgoj i obrazovanje „Naše dijete“ Tuzla i Rješenja Ureda za razmatranje žalbi BiH broj: JN2-03-07-1-125-10/20 od 30.01.2020. god., a na prijedlog Komisije za javne nabavke, direktor Ustanove donio je sljedeću

O D L U K U

o izboru najpovoljnijeg ponuđača

I

Kao najpovoljniji ponuđač u postupku nabavke mliječnih proizvoda za potrebe JU „Naše dijete“ Tuzla, provedenog putem konkurentskog zahtjeva za dostavljanje ponuda, izabran je „Redex“ d.o.o. Banovići.

II

Ovom odlukom, u skladu sa Rješenjem Ureda za razmatranje žalbi BiH broj: JN2-03-07-1-125-10/20 od 30.01.2020. god., stavlja se van snage prethodno donijeta Odluka o izboru najpovoljnijeg ponuđača broj: 01-5796-7/2019 od 30.12.2019. godine.

III

Zadužuje se stručni saradnik za poslove javnih nabavki da obavijesti sve ponuđače o izboru najpovoljnijeg ponuđača iz člana I ove odluke.

IV

Zadužuje se Služba za pravne, kadrovske i opće poslove da pripremi sve preduslove za zaključenje okvirnog sporazuma sa izabranim ponuđačem po proteku predviđenih zakonskih rokova i procedura.

V

Vrijednost ove nabavke iznosi 31.998,00 KM bez PDV-a, i ista se uklapa u procijenjenu vrijednost nabavke iz Plana nabavki za 2019. broj 166/2019, red. br. robe 8., šifra JRJN 15500000-3.


VI

Odluka stupa na snagu danom donošenja.

OBRAZLOŽENJE

Na osnovu Zahtjeva za pokretanje postupka javne nabavke br. 01-5796-1/2019, direktor Ustanove je donio Odluku o pokretanju postupka nabavke po konkurentskom zahtjevu za dostavljanje ponuda br. 01-5796-3/2019 od 13.12.2019. godine. Postupak je objavljen na Portalu javnih nabavki BiH broj obavještenja 1194-7-1-81-3-31/19 od 13.12.2019. godine, a poziv za preuzimanje tenderske dokumentacije sa Portala je upućen privrednim subjektima: Mljekara „Smajić“, „Redex“ d.o.o. Banovići i „Bosna-kom“ d.o.o. Gračanica, dok je tendersku dokumentaciju u sistemu „E-nabavke“ preuzelo 5 (pet) privrednih subjekata. Do krajnjeg roka za dostavu ponuda, ponudu su predala dva privredna subjekta.

Nakon prijema ponuda, Komisija za provođenje postupka javnih nabavki, imenovana Rješenjem br. 01-202-1//2020 od 17.01.2020. godine, konstatovala je da su ponudu predala 2



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

(dva) ponuđača: „Bosna-kom“ d.o.o. Gračanica - broj protokola 01-6018/19-1 i „Redex“ d.o.o. Banovići – broj protokola 01-6032/19-2. S obzirom da je po Rješenju URŽ-a BiH broj: JN2-03-07-1-125-10/20 od 30.01.2020. god. Ugovorni organ bio u obavezi da detaljno provjeri navode i dokumentaciju koju je priložio ponuđač „Bosna-kom“ d.o.o. Gračanica, odnosno, da utvrdi da li proizvođač „Milch product Smajić“ d.o.o. Čelić proizvodi proizvode navedene pod red. br. 1, 2 i 4 Obrasca za cijenu ponude, a koji su navedeni u potvrdi Vanjskotrgovinske komore BiH broj 05-05-03-27-4911/19, kao i da utvrdi da li se HACCP certifikat broj 1434 proizvođača „Milch product Smajić“ d.o.o. i certifikat ISO 9001:2008 broj HR10/0391 proizvođača „Vindija“ d.d. mogu dovesti u vezu s proizvodom Vajkrem od 200 g kojeg je pomenuti ponuđač naveo u svojoj ponudi. Postupajući po navedenom, Ugovorni organ je je dobio dva akta broj 01-77-5-2/2020 i broj 01-77-6-2/2020 u kojim proizvođač navodi da u svom asortimanu nema proizvod Vajkrem 200 g, kao ni artikle navedene u Potvrdi Vanjskotrgovinske komore BiH broj 05-05-03-27-4911/19 izdatoj privrednom subjektu „Bosna-kom“ d.o.o. Gračanica. Takođe, Ugovorni organ je, u cilju utvrđivanja istinitosti isprave, Vanjskotrgovinskoj komori BiH poslao Upit za dostavu obrazloženja. Komora je, dana 12.02.2020. god., dostavila akt br. 05-05-3-275-2/20, kojim stavlja van snage ranije izdatu potvrdu broj 05-05-03-27-4911/19 privrednom subjektu „Bosna-kom“ d.o.o. Gračanica, čime je potvrđeno da je ponuđač dostavljanjem takve potvrde doveo u zabludu Ugovorni organ.


Nadalje, postupajući po navedenom Rješenju URŽ-a, u cilju utvrđivanja da li je ponuđač „Bosna-kom“ d.o.o. Gračanica dostavio traženi HACCP ili ISO ili HALAL certifikat za proizvod Vajkrem 200 g, Ugovorni organ je privrednom subjektu „Vindija“ d.o.o. Sarajevo, čiji je certifikat ISO 9001:2008 navedeni ponuđač dostavio, u svojoj ponudi, poslao upit u vezi sa traženim proizvodom, a privredni subjekat „Vindija“ d.o.o. Sarajevo je dostavio obavijest broj 01-77-7-1/2020 u kojem navodi da u svom asortimanu nemaju Vajkrem 200 g i da isti nikaad nisu proizvodili.

Iz svega navedenog nedvosmisleno je utvrđeno da ponuda ponuđača „Bosna-kom“ d.o.o. Gračanica ne ispunjava zahtjeve tražene tenderskom dokumentacijom i ista je je odbačena i ocijenjena neprihvatljivom.

Ponuda drugog ponuđača, „Redex“ d.o.o. Banovići ispunjava sve zahtjeve tražene tenderskom dokumentacijom i ista je ocijenjena kao prihvatljiva.

S obzirom da je Rješenjem Ureda za razmatranje žalbi poništena prvobitna Odluka o izboru najpovoljnijeg ponuđača, potrebno je bilo poništiti ranije održanu e-aukciju. Ugovorni organ je 12.02.2020. god. Agenciji za javne nabavke BiH poslao Zahtjev za poništenje ranije zakazane i održane e-aukcije. Agencija je dostavila potvrdu o poništenju e-aukcije broj 01-717-2/20 od 18.02.2020. god. S obzirom da je nakon ponovne ocjene ponuda ustanovljeno da je pristigla samo jedna prihvatljiva ponuda, planirana e-aukcija nije zakazivana, nego je postupak okončan u skladu s članom 69. stav (1) tačka a).

U postupku donošenja ove odluke, posebno su ocijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. Shodno tome, ugovorni organ je konstatovao da najpovoljniji ponuđač



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

ispunjava uslove i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.

Pouka o pravnom lijeku:

Protiv ove Odluke može se uložiti žalba direktoru Ustanove u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3.

DOSTAVLJENO:

1. Ponuđačima
2. Spis
3. A/a



DIREKTOR

/ Karić Sanja, dipl. iur /

Broj: 01-77-9/2020

Tuzla, 20.02.2020. god.